

Tacirig u xeregey

Yê rûj reyîn weharîg, yê tacirig bar xerê we gûnî xûwa kird ta bûwadê e rê bazar le ûra xûwage bifrûşê. Tacirege u xerege keftin ew rê u şan we şan ecimistin. Firye wextig neçûgî ta resîn e rê giLaLig (rûig). We daxew (mutiessifane), xerege palê sirr xwardin u keft e naw rûege. Wextê xerege le naw aw bü hest kird barê sewiktir u sewiktirew bü.

Tacirege hûç çarêg nedaşt düle ye kê le nû biçid ew düya u xeregey le nû barê bikad. Î care ke resîn e rê lêw sirrê rûege, xerege enqest (le qesî) xwey xist e naw awege. Xûwayg le barê bü le nû le des çü.

Tacirege we yê carew famist ke xerege niştige ser ew serê enad. Xerege u tacirege le nû çün ew düya erê maL. Imca î care, tacirege isfenc bar xerê kird!

Xerê fêLbaz u wirr le nû acimya. He resî e rê kan rûege le nû xwey xist e naw aw. Imca le catî ye kê barê sewiktir bidê, barê seyîntirew bü.

Tacirege xenist e xerege u wet e pê:

”Ey xerê nefam, fêLeged dîyar bü. Tu bayed bizanid,**her kes bîştir le enazê hûşê xwey bixwazê zîrekî bikad axerê şerre**”.

Seywan Qember (www.feyli.se) 20160121